

豫章叢書

第十五冊

周官集傳卷八

元 毛應龍 撰

大祝掌六祝之辭以事鬼神元祈福祥求永貞一曰順祝二曰年祝三曰吉祝四曰化祝五曰瑞祝六曰筴祝

六祝祝讀爲咒按韻說文祝祭主贊辭祝或作咒祝願也鄭鍔曰永長也貞正也降年有永有不永人有得正而斃焉者有不得正而斃焉者故求其永貞欲順受其正命也說有謂人君所以自求多福自貽哲命固自有道而必命大祝之官祈之

求之何哉故愚以爲六祝之求非人君一己之私也其意則要天下均受多福均保正祿爾後世之君私已而不及天下故設秘祝之官自爲求福漢文帝知祠官祝釐專爲朕躬而不爲民故詔罷之以文帝觀之先王豈爲己計哉 鄭司農曰順祝順豐年也郊特牲曰順成之方其蜡乃通 歐陽氏曰順祝不必專爲順豐年凡兩陽順序而爲報本之禮皆順祝也年祝如祈穀於上帝於社稷而有豐年噍嘻諸詩固有祝辭矣寧風旱逆時雨之時其有中乎吉祝吉祭之祝辭也所謂以吉禮事

邦國之鬼神元者其是乎瑞祝祥瑞之祝辭古人
得祥瑞必歸功於神漢世尤然是則告祥瑞之事
必有祝辭筴祝其卜筮之時所以命著龜之辭乎
掌六祈以同鬼神元一曰類二曰造三曰禱四曰禳
五曰攻六曰說

六祈以祈其同於人也

作六辭以通上下親疏遠近一曰祠二曰命三曰詰
四曰會五曰禱六曰誅辨六號一曰神號二曰鬼號
三曰元號四曰牲號五曰盞號六曰幣號

六辭皆大祝施於神者所謂上下親疎遠近乃以

神言之 歐陽謙之曰天地卽上下也山川有遠近也祖宗之靈非所以爲親近乎九皇六十四氏之祝非所以爲疎遠乎 鄭鍔曰祠者因祭祀而

爲之詞也四時之祭春曰祠謂以言辭爲主也

應龍

曰按說文春祭品物少多文詞也

命者述其意以命神如命龜之

命蓋有指使之言如曰僂爾泰筮有常乃所以命

之也 杜氏曰誥當爲告書亦或爲告

書武城曰底商之罪

告于皇天后土所過名山大川 金賡曰乃告太皇王季文王

鄭鍔曰會者會盟

告神之辭也山川鬼神臨之苟渝此盟神明殛之

之類也禱者有所祈禱告神之辭也

辨九祭一曰命祭二曰衍祭三曰炮祭四曰周祭五
曰振祭六曰擣祭七曰絕祭八曰繚祭九曰共祭

九祭皆祭食之法

辨九擣一曰稽首二曰頓首三曰空首四曰振動五
曰吉擣六曰凶擣七曰奇擣八曰褒擣九曰肅擣以
享右祭祀

鄭司農曰肅拜但俯下手今時揅是也

陸氏釋文曰即今之

揖鄭鍔曰或祭祀之時或享獻之時或勸侑之時
所拜各異也

凡大禋祀肆享祭元則執明水火而號祝

劉氏曰大禋祀者祭天圜丘也肆享者宗廟大禘祭元祭地方澤也三者禮最大故特言又肆享爲禘可知矣

隋燬逆牲逆尸令鐘鼓右亦如之

鄭鍔曰尸始入室拜安尸尸則以韭菹擣於醢以祭於豆間謂之隋守桃所謂藏其隋謂此隋也

來瞽令臯舞相尸禮既祭令徹

鄭鄂曰及祭已畢則令當徹祭品之人徹而去之九嬪內外宗之屬皆掌徹事大祝令之也

大喪始崩以肆鬯潤尸相飯贊斂徹奠言甸人讀禱

付練祥寧國事國有大故天裁彌祀社稷禱祠大師
宜於社造于祖設軍社類上帝國將有事于四望及
軍歸獻於社則前祝大會同造于廟宜於社過大山
川則用事焉反行舍奠建邦國先告后土用牲幣禁
督逆祀命者頒祭號於邦國都鄙

分封土地先告后土示不敢專也有牲有幣禮動
不虛故也 鄭氏曰祭號六號 鄭鏐曰諸侯之
國雖各有命然六號亦有不得而用者頒其所得
而用之號以與之則大夫不敢僭諸侯諸侯不得
僭天子禮矣六號之中有天地之號諸侯不得祭

天地則不用天子之號也

小祝掌小祭祀將事侯禴禱祠之祝號以祈福祥順
豐年逆時雨寧風旱彌裁兵遠羣疾

歐陽謙之曰順與逆對順豐年意者已得豐年而
行之如秋報之禮之類是也逆時雨者蓋閔雨而
行之如禱雨之祭是也風旱爲虐則禱而使之寧
靜裁兵爲害則禱而使之止息林氏曰彌所旱疾以止之也
之爲苦則禱而使之遠矣

大祭祀逆盥盛送逆尸沃尸盥贊隋贊徹贊奠

隋是尸之祭也主人受尸酢亦有隋祭小祝贊尸

以授之

案特牲少牢尸始入室拜安尸尸徹與奠隨祭以韭苴擣于醢以祭於豆間

則小祝贊大祝也

徹既祭命徹大祝之令也奠奠爵也特牲祝酌奠于鉶南

凡事佐大祝大喪贊澣設熬置銘及墓設道齎之奠分禱五祀

大祝非一事諸有事皆小祝爲之佐 大祝以肆

鬯澣小祝贊之也

大師掌釁祈號祝有寇戎之事則保郊祀於社凡外

內小祭祀小喪紀小會同小軍旅掌事焉

歐陽謙之曰案小宗伯云兆五帝於四郊四望四類亦如之蓋郊者國家所以祝五帝四望四類之

神之所也保郊云者若保於郊所保護之力於神也祀於社祀於社稷之神而求保護之力也若云保守於郊豈宗祀之職分哉

喪祝掌大喪勸防之事及辟令啓及朝御匱乃奠及祖飾棺乃載遂御

敢聚也殯時聚木蓋櫬而塗之卽所謂以梓敢塗其梓也及將葬時當辟除乃令開啟之天子七日而殯七月而葬

及葬御匱出宮乃代及壙說載除飾小喪亦如之掌喪祭祝號王弔則與巫前

歐陽謙之曰乃代者在宮之時喪祝爲御出宮之後必有車僕代喪祝御柩車以行

掌勝國邑之社稷之祝號以祭祀禱祠焉凡卿大夫之喪掌事而歛飾棺焉

徐氏音辨曰郊特牲所謂喪國之社也

甸祝掌四時之田表貉之祝號舍奠於祖廟禴亦如之師甸致禽於虞中乃屬禽及郊饁獸舍奠於祖廟乃歛禽禴牲禴馬皆掌其祝號

歐陽謙之曰禴馬禴亦繁盛之義不必改讀亦可詛祝掌盟詛類造攻說禱樂之祝號

鄭錡曰盟則盟其未來詛則詛其已往說者謂先王之於臣民臨之以正御之以信宜其詐僞不作何用盟詛爲哉愚以爲天下不能皆君子一一以君子待之則小人攘臂於其間矣先王不敢盡信也以爲小人之情有不畏刑罰而畏鬼神者故爲盟詛之法以待之是亦待衰世之意爾荀卿乃曰盟詛不及三王是不考周禮也故書言苗民之時泯泯棼棼以覆詛盟則又自三王已前有是事胡可謂不及三王耶

應龍曰橫渠張子云周禮是的當之書其間如盟

詛之類必有末世增入者要知詛盟見於有苗之詩載於書尙矣在詩亦曰出此三物以詛爾斯則盟詛乃詩書之所有於周官何疑焉

作盟詛之載辭以叙國之信用以質邦國之劑信所用載於盟詛之書其辭之所叙述既謂王國之信用而質成侯國之劑又謂之劑信則皆信由中出豈徒辭說云乎哉

司巫掌羣巫之政令若國大旱則帥巫而舞雩

鄭鍔曰巫既多故立司巫以統治之又曰建己之月雩祀上帝者禮之正大旱而雩出於非常故帥

羣巫而舞之

國有大裁則帥巫而造巫恒

鄭鍔曰大裁之時將以禳之故帥巫而造巫恒

祭祀則共匪主及道布及菹館凡祭祀守瘞凡喪事掌巫降之禮

鄭鍔曰不止地元宗廟之中亦有瘞繒之類祭而瘞埋祭之終也司巫守之俟禮畢乃去見敬神之至也

男巫掌望祀望衍授號旁招以茅冬堂贈無方無算春招弭以除疾病王弔則與祝前

女巫掌歲時祓除釁浴旱暵則舞雩若王后吊則與祝前凡邦之大祓歌哭而請

鄭鍔曰歲時祓除以祓其不祥釁浴則用香薰草藥之類沐浴如今五月浴蘭之類每歲以時祓除釁浴其宮中之事乎應龍曰求雨以女巫以陰兆陰也

太史掌建邦之六典以逆邦國之治掌灋以逆官府之治掌則以逆都鄙之治凡辨灋者攷焉不信者刑之

鄭鍔曰典灋則大宰之所建而太史亦建之豈其

職與大宰比也大宰用是以治邦國都鄙官府小宰用是以逆其治司會亦用是以逆其治大史又建之以逆治何耶愚以爲小宰貳大宰之治司會攷用財之數其書則建于太史也書者不刊之典苟無其書雖大宰大尊亦無所稽攷亦謂之建豈不宜哉惟其書之所在故邦國都鄙官府有疑於所行之法者必求質證於此彼求辨乎法吾以書而證之猶有不信者是違法也詎可不待之以刑哉歐陽謙之曰大宰治官之長小宰治官之貳司會主計太史掌書皆以六典八灋八則逆治焉